



Broj: 16-12-16-4697-45/23  
Istočno Sarajevo, 14.12. 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), čl. 70. i čl. 72. stav (3) tačka f) Zakona o javnim nabavkama („Službeni glasnik BiH”, br. 39/14 i 59/22) i Pravilnika o uslovima i načinu korištenja e-aukcije („Službeni glasnik BiH”, broj 66/16), u otvorenom postupku javne nabavke goriva za motorna vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u otvorenom postupku javne nabavke goriva za motorna vozila Državne agencije za istrage i zaštitu za LOT-2 i dodjeli okvirnog sporazuma drugorangiranom ponuđaču

#### Član 1.

U otvorenom postupku javne nabavke goriva za motorna vozila Državne agencije za istrage i zaštitu, za koji je obavještenje o javnoj nabavci objavljeno na Portalu javnih nabavki broj 1161-1-1-102-3-25/23 od 23.05.2023. godine i u „Službenom glasniku BiH”, broj 38/23 od 26.05.2023. godine, okvirni sporazum za nabavku goriva za motorna vozila Državne agencije za istrage i zaštitu za LOT 2-Nabavka goriva na području Istočnog Novog Sarajeva i Istočne Ilidže za period od tri godine, dodjeljuje se drugorangiranom ponuđaču „HIFA-PETROL” d.o.o. Sarajevo, ponuda broj 16-12-16-4697-7/23 od 11.07.2023. godine, za ponudenu cijenu 681.979,00 KM bez uračunatog PDV-a, (12,44%) umanjenu prema rezultatima e-aukcije.

#### Član 2.

Ovom odlukom stavlja se van snage Odluka o izboru najpovoljnijeg ponuđača u postupku javne nabavke goriva za motorna vozila za potrebe Državne agencije za istrage i zaštitu broj 16-12-16-4697-34/23 od 15.11.2023. godine kojom se okvirni sporazum za LOT 2-Nabavka goriva na području Istočnog Novog Sarajeva i Istočne Ilidže za period od tri godine, dodjeljuje ponuđaču „NESTRO PETROL” a.d. Banja Luka.

#### Član 3.

Ova odluka se dostavlja ponuđaču najkasnije u roku od sedam dana od dana donošenja iste, uz istovremeno objavljivanje na internetskoj stranici Agencije.

#### Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

## Član 5.

Ova odluka stupa na snagu danom donošenja.

### O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-4697-1/23 od 17.05.2023. godine pokrenut je postupak javne nabavke goriva za motorna vozila za potrebe Agencije u 2023. godini za period od tri godine, procijenjene vrijednosti 1.240.000,00 KM bez uračunatog PDV-a, za koji je obavještenje o javnoj nabavki objavljeno na Portalu javnih nabavki broj 1161-1-1-102-3-25/23 od 23.05.2023. godine i u „Službenom glasniku BiH”, broj 38/23 od 26.05.2023. godine. Novčana sredstva za predmetnu nabavku su obezbijedena u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH”, broj 22/23) i Dokumenta okvirnog budžeta 2023.-2025. godina. Javna nabavka uvrštena je u Plan javnih nabavki roba i usluga Agencije za 2023. godinu pod brojem 5.1.2, a predmet nabavke podijeljen je na pet lot-ova.

U toku postupka javne nabavke, Komisije za provođenje postupka javne nabavke goriva za motorna vozila za potrebe Agencije u 2023. godini (u daljem tekstu: Komisija), zaprimila je pristigle ponude (blagovremeno je dostavljeno sedam ponuda), izvršila njihovo otvaranje, te pregled i ocjenu istih, a prema zahtjevima i kriterijima iz Tenderske dokumentacije. Za navedeni postupak javne nabavke predviđena je e-aukcija u skladu s odredbama Pravilnika o uslovima i načinu korištenja e-aukcije („Službeni glasnik BiH”, broj 66/16). Prema izvještaju o toku i završetku e-aukcije od 10.11.2023. godine, sačinjena je rang lista ponuđača na osnovu koje je donesena Odluka o izboru najpovoljnijeg ponuđača u otvorenom postupku za dostavljanje ponuda za javnu nabavku goriva za motorna vozila za potrebe Agencije, broj 16-12-16-4697-34/23 od 15.11.2023. godine kojom je, kao najpovoljniji ponuđač za LOT 2-Nabavka goriva na području Istočnog Novog Sarajeva i Istočne Ilidže izabran ponuđač „NESTRO PETROL” a.d. Banja Luka.

Dalje, izabrani ponuđač „NESTRO PETROL” a.d. Banja Luka odbio je zaključiti okvirni sporazum na način da je dostavio Izjavu protokolisanu pod brojem 16-12-16-4697-42/23 od 07.12.2023. godine, kojom odustaje od daljeg učešća u predmetnom postupku nabavke za LOT-2. Agencija je, postupajući po odredbama člana 72. stav (3) Zakona o javnim nabavkama („Službeni glasnik BiH”, br. 39/14 i 59/22), dodjelu okvirnog sporazuma ponudila drugorangiranom ponuđaču „HIFA-PETROL” d.o.o. Sarajevo, koja je, aktom broj 16-12-16-4697-43/23 od 08.12.2023. godine potvrdila da prihvata dodjelu okvirnog sporazuma za LOT 2-Nabavka goriva na području Istočnog Novog Sarajeva i Istočne Ilidže, kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču „HIFA-PETROL” d.o.o. Sarajevo (poštom);
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Darbo Čulum